

Vestlandsrådet

Protokoll

frå teams-møte i Vestlandsrådet 20. januar 2022

Kl. 09.00 Opning

v/Tove-Lise Torve, leiar av Vestlandsrådet 2021.

Torve ga deretter stafettpinnen vidare til Rogaland fylkeskommune, i og med at vi no kan skrive 2022 og leiarvervet i Vestlandsrådet går over til Rogaland.

Møtet vart leia av Marianne Chesak, fylkesordførar i Rogaland.

Namneopprop / deltagarar:

Oversikt over innkalling/forfall/vararepresentantar:

Fylkeskommune	Medlemer/vara
Vestland	Jon Askeland
Vestland	Natalia Antonia Golis
Vestland	Anne Gine Hestetun
Vestland	Trude Brosvik
Vestland	Silja Ekeland Bjørkly
Vestland	Terje Søviknes
Rogaland	Marianne Chesak
Rogaland	Solveig Ege Tengesdal – forfall, Kjartan Alexander Lunde møter
Rogaland	Arne Bergsvåg
Rogaland	Alexander Rügert-Raustein
Rogaland	Ole Ueland
Rogaland	Margrete Dysjaland
Møre og Romsdal	Tove-Lise Torve
Møre og Romsdal	(Per Vidar Kjølmoen*) Line Hoem møter
Møre og Romsdal	Randi Walderhaug Frisvoll
Møre og Romsdal	(Frank Sve**) Anne Marie Fiksdal møter
Møre og Romsdal	Anders Riise
Møre og Romsdal	Jan Ove Tryggestad

*Per Vidar Kjølmoen er av Fylkestinget fritatt for vervet i Vestlandsrådet (vald inn på Stortinget), og Line Hoem er vald som nytt medlem.

**Frank Sve er av Fylkestinget fritatt for vervet som medlem av Vestlandsrådet,(også innvald på Stortinget), og Anne Marie Fiksdal er vald som nytt medlem.

Ordførarane i storbyane og byrådsleiar i Bergen er inviterte til møtet. Ingen har høve til å delta denne gongen.

Administrasjonen i fylkeskommunane:

Ottar Brage Guttelvik - Møre og Romsdal

Inge Smith Dokken - Rogaland

Rune Haugsdal - Vestland

Sekretariatet i Vestlandsrådet:

Dagfinn Aasen

Christian Tollefsen Aasen

Godkjenning av innkalling.

Innkallinga samrøystes godkjent.

Godkjenning av saksliste.

Sakslista samrøystes godkjent.

Næringsstrategien for Vestlandet - energi som sentral utfordring for «den store omstillinga»

Vestlandsrådets politiske plattform slår fast at rådet skal satse grønt når «Den store omstillinga» skal gjennomførast dei komande åra.

I næringsstrategien blir det sett fokus på dagens energisituasjon og framtidig energitilgang på fornybar energi, som ein føresetnad for å få til den store grøne omstillinga.

- Korleis er eigentlig energisituasjonen for Vestlandet, og korleis er utsiktene framover?
- Frå fossil til fornybar kraft – kva er muleheitene? Har vi nok - eller tidsnok - kraft til den store omstillinga?
- Kor mykje kan hentast ut av allereie utbygd vasskraft? Vil det monne?
- Bør / må elektrifisering av sokkelen settast på vent?
- Er rammevilkåra for fornybare energikjelder gode nok?
- Vil natur og miljø igjen bli taparar når store omstillingsprosessar skal gjennomførast?
- Korleis har kraftprisen innverknad på krafttilgang og kostnadane til den store omstillinga? Vil kraftprisutviklinga kunne lamme omstillingsevna og omstillingsvilja i næringslivet?

Mange spørsmål kan stillast – difor går utfordringa til Statkraft, Statnett og eviny (tidl. BKK).

1) Produksjon av rein kraft er ein ting. Å få krafta – og nok kraft – fram til der ein treng ho ein annan. Kva seier Statnett si Nettutviklingsplan om energisituasjonen i Norge generelt og Vestlandet spesielt?

Innleiing: Statnett v/Gunnar Løvås, konserndirektør for Kraftsystem og Marked

Gunnar Løvås deltok i møtet frå kl. 0900 – 11.07. Harris Utne deltok i debatten. Han er ansvarleg for Statnetts planarbeid på Vestlandet og Sørlandet.

2) Korleis ser framtida ut når det gjeld rein krafttilgang for Vestlandet? Er den store omstillinga realistisk?

Innleiing: Statkraft v/Ivar Arne Børset, direktør for Strategi og utvikling for forretningsområdet Produksjon og industrielt eierskap.

3) Situasjonen på Vestlandet – korleis oppleves kraftsituasjonen og kva må gjerast for å muleggjere ei storstilt grøn omstilling i dei nærmaste 10-åra?

Innleiing: eviny (BKK) v/ adm.dir Jannicke Hilland.

Kort pause.

4) Intern organisering av det vidare arbeidet – modellar og foreslått løysing.

Vestlandsrådet må ta aktivt eigarskap til næringsstrategiens innhald og korleis ein organiserer arbeidet dei neste åra

- Næringspolitisk forum
- Arbeidsgruppe(r)/prosjektleiar- og sekretærfunksjon
- Forholdet til fylkeskommunane sine basisorganisasjonar

v/ Ottar Brage Guttelvik, fylkeskommunedirektør Møre og Romsdal

11.45 – 12.15 Pause («lunsj»)

5) Korleis vil Vestlandsrådet og AU arbeide vidare med næringsstrategien?

AU har ein uttala ambisjon om å agere enda meir aktivt på vegne av Vestlandsrådet, ikke minst overfor Regjering, Storting, organisasjoner, media, osv. Korleis kan og vil AU ta tak i dette – og korleis få til å opptre med «ein stemme»? Er mulegheitsrommet etter stortingsvalgt blitt større? Og korleis utnytte det? Korleis kan ein sjå for seg arbeidsprosessane vidare?

v/Tove-Lise Torve, fylkesordførar i Møre og Romsdal.

Nokre moment frå Torves innlegg:

- Næringsstrategien må diskuterast i alle møta i Vestlandsrådet i tida som kjem
- Møtet med stortingsbenkane 2. februar blir viktig, m.a. for å gi ei grundig orientering om næringsstrategien, og som kan bidra til å ansvarleggjere Vestlandets folkevalde på «Tinget»
- Organiseringa av arbeidet med næringsstrategien blir viktig, og viste til AU si haldning til dette. Serleg prosjektleiarrolla blir viktig å få på plass.
- Viktig å delta i høyringar, i saker som gjeld heile Vestlandet, og få fram felles innspeil i forhold til næringsstrategien
- Viktig å få godt grep om lobbyverksemd overfor Regjeringa. AU har store forventningar om å kome i gang. Lista (og forventningane) er lagt høgt, og dersom vi kan samle oss om tiltaka vil vi saman kunne nå fram på ein god måte

Vestlandsrådets formelle møte

Saksliste:

VR-sak 01/2022 Protokoll frå Vestlandsrådets møte 2. september 2021

Fylkeskommunedirektørens forslag til vedtak:

Protokollen frå Vestlandsrådets møte 2. september 2021 godkjennes.

Vestlandsrådets vedtak:

Protokollen frå Vestlandsrådets møte 2. september 2021 godkjennes.

VR-sak 02/2022 Oppfølging av Vestlandsrådets vedtak om «Næringsstrategi for Vestlandet» og organisering av arbeidet framover

Fylkeskommunedirektørens forslag til vedtak:

Fylkeskommunedirektøren viser til pkt 4 i Vestlandsrådets vedtak i sak 15/2021, og legg fram følgande forslag til organisering av det vidare arbeidet med Næringsstrategien for Vestlandet:

1 Organisering av det vidare arbeidet med realisering av Næringsstrategien for Vestlandet:

Prosessarbeidet bli organisert slik:

- a) Næringspolitisk Forum (vedteke oppretta i VR-sak 15/2021)
- b) Arbeidsgruppe
- c) Prosjektleiing

2 Mandat for Næringspolitisk Forum for Vestlandet:

Mandatet for det næringspolitiske forumet er å

- realisere næringsstrategien for Vestlandet, slik den er formulert pr. 29.6.2021 (jfr. side 23 og 39)
- arbeide for å få større innflytelse på den nasjonale næringspolitikken, serleg rammebetingelsar for havnæringane som gjer det mogleg å ralisere potensialet for nye, grøne eksportnæringar på Vestlandet og ta global posisjon

Det Næringspolitiske Forumet tek sjølv stilling til prioritering av sitt arbeid, men må ta omsyn til Vestlandsrådets presisering i vedtaket i sak 15/2021: Forumet skal aktivt følgje opp «*dei delane av strategien som krev felles innsats på tvers av fylka, og utvikle ei felles stemme inn mot sentrale styresmakter på område som ein står samla om*».

3 Medlemmar i Forumet:

Vestlandsrådet oppnemner følgande medlemmar til Forumet:

- Arbeidsutvalget (AU) i Vestlandsrådet/dei tre fylkesordførarane
- LO
- NHO
- Innovasjon Norge
- GCE Blue Maritime Cluster
- GCE Ocean Technology
- NCE Blue Legasea
- NCE Clean Tech
- Fjord Norge AS

Leiing av Forumet blir lagt til AU, v/den fylkesordføraren som til eikvar tid leier Vestlandsrådet og AU. Overnevnte organisasjonar blir inviterte v/ sine leiarar.

LO, NHO og IN blir inviterte som medlemmar i forumet på følgande måte: Desse tre organisasjonane oppnemner ein representant kvar til forumet, som sin «Vestlandsrepresentant». Organisasjonane blir oppfordra til spre representasjonen slik at alle tre fylka blir representerte.

4 Arbeidsgruppe

Næringsjefane i dei tre fylkeskommunane utgjer arbeidsgruppa i Næringsstrategiarbeidet. Arbeidsgruppa kan etter behov trekkje med andre tilsette i fylkeskommunane.

5 Prosjektleiing/ administrativ organisering

Til å leie prosessane tilsettes ein prosjektleiar.

Prosjektleiarfunksjonen blir å utlyse på vanleg måte, for ein avgrensa tidsperiode på 3 år, med mulegheiter for forlenging. Arbeidsgjevarfunksjonen for vedkomande blir lagt til ein av fylkeskommunane. Denne ressurspersonen må både ha fagleg og kommunikasjonsmessig kompetanse til å legge til rette for gode arbeidsprosessar, lobbyverksemrd, etc.

Prosjektleiar er sekretariat for både Forumet og Arbeidsgruppa, og skal elles førebu saker og delta i Vestlandsrådet og AU sine møter.

6 Ressursbehov

Vestlandsrådet si satsing på å utvikle og realisere «Næringsstrategien for Vestlandet» krev ressursar i form av løn, godtgjeringar, reiser/opphold, konferansar, kontorutgifter, m.v. Førebels – inntil ein får meir oversikt over prosjektframdrift og aktivitetsnivå – tilrås at følgande blir budsjettert (fullt driftsår):

Forumet: møtekostnader, reiser, etc.	150 000
Prosjektleiing (løn/honorar/sosiale kostnad)	1 000 000
Kontorutgifter, etc	50 000
Konferansar, møter	50 000
Diverse	100 000
Sum, som fordels likt på fylkeskommunane (kr. 450 000 x 3)	1 350 000

Innspel i møtet:

Jon Askeland:

Vestland fylkeskommune står fullt og heilt bak saka, men er reservert m.o.t. AU sitt vedtak i møte 21. desember 2021. Vestlands ønskje er ein slankare og rimelegare modell, ved å nytte eksisterande ressursar i fylkeskommunane. Han fremma følgande forslag til vedtak:

Framlegg til vedtak frå Vestland fylkeskommune:

Innstillinga pkt 1,2 og 4 ok.

Tillegg pkt 3: Forumet framstår som stort, og det vurderast om det kan reduserast i kombinasjon med referansegrupper.

Tillegg pkt 5: Det vert primært lyst ut internt i dei tre fylkeskommunane ein delt stillingsbrøk, som let seg kombinera med andre oppgåver for ein fulltidstilsett.

Tillegg pkt 6: For 2022 vert det i utgangspunktet føresett at ressursbehovet dekkast innan ramma, og at det i fullt driftsår vert ei lågare ramme enn i innstillinga.

Forslaget vart debattert, og det gjekk fram av debatten at Rogaland og Møre og Romsdal ikkje kunne støtte Vestland sitt framlegg til vedtak.

Vestland fylkeskommune ba om gruppemøte.

Jon Askeland:

Viktig at vi opptrer koordinert og samordna. Vestland ønskjer at mest mogleg skjer «innomhus», for best mogleg forankring.

Følgande forslag vart deretter sett fram:

- Utlysing skjer internt i dei tre fylkeskommunane
- Samla ressursbruk til sekretariatstenester blir sett nærmare på i 2023
- 3 års utlysingeperiode er ok

Det vart avklara administrativt at ein ikkje kan lyse ut ei stilling (ein funksjon) internt i tre fylkeskommunar.

Vestland fylkeskommune trekte deretter sitt forslag til vedtak.

Det vart gitt uttrykk for at kvalifikasjonskrav og stillingsutlysing blir drøfta i neste AU-møte.

Vestlandsrådets vedtak:

Vestlandsrådet sluttar seg til det framlagde forslaget til organisering av det framtidige arbeidet med «Næringsstrategien for Vestlandet».

Samrøystes vedteke.

VR-sak 03/2022 Oppdatering av samarbeidsavtalen m.v. for Vestlandsrådet

Fylkeskommunedirektørens forslag til vedtak:

- 1) I gjeldande 'Samarbeidsavtale for Vestlandsrådet' blir følgande innarbeidd/endra:

§ 1 Generelt:

I første setning:

Vestlandsrådet er eit politisk samarbeidsorgan for fylkeskommunane på Vestlandet. Det offisielle namnet er Vestlandsrådet interkommunalt politisk råd.

§3 Samansetting

I siste setning blir Ålesund teke inn: ««Storbyane Bergen, Stavanger og Ålesund har høve til å møte som observatørar med talerett».

§8 Økonomi – budsjett – rekneskap

Ny siste setning tas inn i § 8 samarbeidsavtalen:

«Kvar fylkeskommune har ubegrensa ansvar for sin andel av rådet sine forpliktelsar».

§6 Sekretariat

Sekretariatsleiar, i samarbeid med fylkeskommunane, bes utgreie framtidig arkivordning for rådet.

- 2) Tidlegare vedtekter (2014) for Vestlandsrådet blir med dette oppheva, og erstatta av denne samarbeidsavtalen.
- 3) Samarbeidsavtalen blir lagt fram for fylkestinga til godkjenning.

Innspel / kommentarar i møtet:

Det vart opplyst om feilskrift i samarbeidsavtalens § 4 Leiing. I siste setning skal det stå «Fylkesordføraren», ikkje «Fylkesvvaraordføraren». Dette blir retta opp.

Det vart vidare vist til brevet frå Byrådsleiaren i Bergen. Storbyane er viktige for heile Vestlandet, både som kraftsentra i seg sjølv, men også for omlandet. Det vil seinare bli drøfta korleis Vestlandsrådet best kan engasjere ordførarane i storbyane og byrådsleiaren (i Bergen) til å delta i Vestlandsrådets arbeid.

Vestlandsrådets vedtak:

Vestlandsrådet sluttar seg samrøystes til forslaget til det vedtak.

VR-sak 04/2022**Om arbeidet i AU 2. halvår 2021 – orienteringssak**

Fylkeskommunedirektørens forslag til vedtak:

Vestlandsrådet tek saka til orientering.

Vestlandsrådets vedtak:

Vestlandsrådet tek saka til orientering.

VR-sak 05/2022**Eventuelt****Innspel i møtet:**

Etter møteplana er neste møte i Vestlandsrådet 24. februar. Deretter først 28. april. Møtet 24/2 utgår, og AU bes vurdere om neste møte i Vestlandsrådet kan haldast i mars, og da som fysisk møte, gjerne i Bergen.

Kl. 14.10 Møtet avslutta.

**Ref v/
Sekretariatet
Dagfinn Aasen
Christian Tollefsen Aasen**